



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU **BH SLOBODNI DEMOKRATI**

Broj: 03-07-6-2788/12
Sarajevo, 10.06.2013. godine

SADRŽAJ

MIŠLJENJE REVIZORA.....	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	5

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BH Slobodni demokrati za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa odredbama tada važećeg zakona o finansiranju političkih stranaka („Službeni glasnik BiH“ br. 22/00, 102/09 i 54/10)¹- u daljem tekstu Zakonom o finansiranju i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

BH Slobodni demokrati prekršili su odredbe člana 11. stav (3) Zakona o finansiranju, jer nije dostavila godišnji finansijski izvještaj u zakonom propisanom roku.

Na osnovu našeg pregleda, odnosno kontrole finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju.

¹ Dana 5.12.2012. godine stupio je na snagu novi Zakon o finansiranju političkih stranaka („Službeni glasnik BiH“ br.95/12).

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja BH Slobodni demokrati za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja BH Slobodni demokrati nisu ostvarili prihode, što je vidljivo iz sljedeće tabele:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi	0,00	
	Ukupni prihodi:	0,00	

Prema podacima iz godišnjeg finansijskog izvještaja BH Slobodni demokrati iskazali su troškove u iznosu od 59,66 KM.

2. PREDSTAVLJANJE POLITIČKE STRANKE

Naziv političke stranke je BH Slobodni Demokrati. Skraćeni naziv stranke je BH SD. Stranka je registrovana 25.07.2005. godine u Općinskom sudu u Tuzli pod brojem R-I-1/05. Sjedište BH Slobodnih Demokrata je u Tuzli, Filipa Kljajića 22. Nova adresa stranke: Partizanski put bb (prostorije RULd.o.o.Lukavac).

Lica ovlašteno za zastupanje stranke je Sead Sejdinović, v.d predsjednik stranke, ujedno ovlašćeno lice za finansijske izvještaje za 2011. godinu.²

Prema podacima iz godišnjeg finansijskog izvještaja, BH Slobodni Demokrati nemaju organizacionih dijelova nižeg nivoa.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BH Slobodni demokrati za 2011. godinu.

² Stranka je dana 04.02.2013.godine dostavila Odluku o zamjeni potpisnika u ime stranke, odluku je potpisao bivši predsjednik stranke dr. Sead Avdić. Prema aktu Općinskog suda u Tuzli broj: 032-0-RegZ-12-002539, od 27.11.2012. godine, političku organizaciju „BH Slobodni demokrati“ zastupa i predstavlja dr.sci Sead Avdić.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju.

Obim pregleda i kontrole finansijskih izvještaja BH Slobodni demokrati obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu od 2007. do 2009. godine izvršen je pregled godišnjih finansijskih izvještaja BH Slobodnih Demokrata. Nakon obavljenog pregleda, odnosno kontrole finansijskog izvještaja ove političke stranke za 2009. godinu, izdat je izvještaj sa mišljenjem revizora, nalazima i preporukama revizije da stranka treba da postupa u skladu sa odredbama člana 11. stav (4) i člana 12. stav (2) Zakona o finansiranju političkih stranaka. Za 2010. godinu, stranka nije dostavila godišnji finansijski izvještaj.

5. NALAZI I PREPORUKE

5.1. NALAZI

Na osnovu obavljenog pregleda godišnjeg finansijskog izvještaja, utvrđeno je da su BH Slobodni demokrati prekršili odredbe člana 11. stav (3) Zakona o finansiranju političkih stranaka.³

Stranka je godišnji finansijski izvještaj dostavila Centralnoj izbornoj komisiji Bosne i Hercegovine dana 18.12.2012. godine, iako je zakonom propisan rok za podnošenje izvještaja 31.03.2012. godine.

Obrazac 3-e (nenovčane donacije) nije popunjen u skladu sa odredbama člana 18. Pravilnika o godišnjim finansijskim izvještajima političkih stranaka. Na pomenutom obrascu nisu iskazani prihodi po osnovu zakupa kojeg je stranka oslobođena plaćanja.⁴

Obrazac 4-1 (Režijsko-administrativni troškovi) takođe nije popunjen u skladu sa odredbama člana 21. gore pomenutog Pravilnika. Na navedenom obrascu nisu iskazani troškovi zakupa, koje stranka nije imala obavezu da plaća.

5.2. PREPORUKE

Preporučuje se BH Slobodnim demokratama da se pridržavaju odredaba Zakona o finansiranju, a posebno na osnovu uočenih nedostataka se preporučuje:

- ***da finansijske izvještaje koje dostavlja Centralnoj izbornoj komisiji Bosne i Hercegovine podnosi u skladu sa odredbama Zakona o finansiranju i***

³ Do 31.03. naredne godine političke stranke podnose finansijski izvještaj u formi koju odobri Centralna izborna komisija BiH. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

⁴ Potvrda RUL doo Lukavac broj: 7/13 od 01.02.2013. godine, kojom se potvrđuje da se političkoj stranci BH Slobodni demokrati ustupa jedna prostorija za obavljanje djelatnosti, bez naknade.

- *da popunjavanje obrazaca godišnjeg finansijskog izvještaja vrši u skladu sa odredbama Pravilnika o godišnjim finansijskim izvještajima političkih stranaka(Službeni glasnik BiH br.61/06).*

KOMENTAR

U ostavljenom roku, BH Slobodni demokrati nisu se očitovali na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2011. godinu. Dostava Preliminarnog izvještaja o pregledu je izvršena u skladu sa članom 85. Zakona o upravnom postupku („Službeni glasnik BiH“ broj: 29/02,12/04, 88/07 i 93/09).

Mr. Hasida Gušić, šef Službe za reviziju

Nevenko Andan, revizor